

Transkription von Urkunde HST 1369d

Ort, Datierung: Stralsund, 1369-11-11

Signatur: Stadtarchiv Hansestadt Stralsund, StU 0453 [\[online\]](#)

Inhalt: Fredryk van Arneholt: Söldnerbrief

Ik fredryk van arneholt bekenne vnd(e) betûghe openbar an desser/ schryft . vor my vnd(e) vor alle de
yene . dar yk mede ghedenet / hebbe . den erlyken he(re)n . den ratma(n)nen . der stad thome
stra-/lessu(n)de dat yk den tzolt therýngge vnd(e) schaden van vnser aller / weghene gantzlyken vp
gheboret hebbe vnd(e) vutfangghen vnd(e) gutlyken betalen byn van dessen ratmanen vorben . vortmer
leue / yk vnd(e) sta dar vor . van vns(er) aller weghene . also wy en ghedenet / hebb(e)n . dat dar nyne
na manygghe vm(m)e scheen schal . yn tho / kome(n)der tyd . tho ener betûghenysse vnd(e) ener
hogher bewa-/ryngghe . dess(er) dynck . so hebbe yk myn yngheseghel ghehengghet / vor dessen bref
de gheue(n) vnd(e) schreue(n) ys thome stralessunde / na godes bort druttey(n)hû(n)dert yar an dem
neghen vnd(e) sostyghest(e)n / yare an zunthe mertens daghe des hilghen bysschoppes.